

Antsusieta (Auntxita)



ANTSUSIETA (Auntxita) baserria

AUNTXITA Aiestaran Erreka auzoko baserria da, Errazti parajearen kokatua. Bere inguruko baso eta zelaien artean ditugu Ordeka, Itorriña, Gaztaña-Txulo, Xoaixo, Markarene, Mendigorri, Babaso, Teleiko langak, Barrutizar, Sasti, Urzako, Luberri, Errezti, Bikastillo, Urdenarroj, Arkaka, Andurio.

Baserria Arkaka bidean dago. Oinez, herriko plaza-tik ordu erdira. Auzorako bidea 1954an egin omen zen, beste batzuek 1958ko data aipatzen dute.

Auntxita, Gallega izenez ezagutzen ziren bi ahizparena omen zen, eta Martin bikarioaren bitartez erosi omen zuten lau familien artean 1910ean. Etxea zatitu gabea zen, nahiz eta lau familia bizi. Ukuilua, ganbara eta beste konpartimentu batzuk errespetatuz bizi omen ziren. 1920-1930 hamarkadan berrogeiren bat lagun bizi ziren etxe horretan. Etxeak bi alde ditu. Erreka aldetik begiratuta, eskubikoan, Inozentzio, Bixenta eta Jose Diego Sukia bizi ziren, eta ezkerrekoan, Sukiatarrak eta Konporta baserri-tik etorritako Etxabetarrak.

Baserriaren arrastoa idatzietan

Antsusieta 1783an agertzen da, Enerio eta Aralarko sailen erabileraz, Francisco Antonio de Echaveren aurrean, bitartekari bati emandako botere-emaileen artean (1783-12-17an). Bi lagun joan ziren bilera hartara, beharbada, Auntxitan, bi etxebizitza zirelako, ordurako.

Beste dokumentu batean ere agertzen da hamalau urte geroago. Ez ziren, dirudienez, garai errazak Zaldibiko herrirako eta Euskal Herrirako. Garaiko guden ondorioz herriei eskatzen zitzaizkien zergen harira aipatzen baita Antsusieta, 1797ko urtarrilaren 17an. Herriko hamar lagunek, haien artean Juan Ignazio Iztuetak, botereak eman zizkioten Abiranetari bere alde egiteko.

Antsusieta (Auntxita)



ETXABE SUKIA familia

AUNTIXITA baserrian bizi izan ziren lau familiare-
tako bat zen Etxabe Sukia familia. Izengoitiz,
Mozorrok.

Oinez herriko plazatik ordu erdira dago eta lante-
gira, Fabrika Handira, ordubeteko bidea zen, bai-
na kaletik aurrera bizikletan egiten zuten. Fabrika
Handian Xabin hasi zen lanean 1956an. 1958an,
auzoko bidea egiterakoan nahiko negar eta bu-
ru-hauste ibili omen zuten. Arduradun jarri omen
zituzten, eta beraiek esandako dirua eman arren,
ez omen zuten berehalakoan egin. Enbargatu egin-
go zituztela eta horrela ibili omen ziren. Eta azke-
nean bi urtez atzeratu omen zen bidea.

Etxe-jabe dira 1953tik aurrera, orduan berritu bai-
tzuten *Auntxita*.

1924an ezkondu ziren Prontxio Etxabe eta Joxepa
Antonia Sukia. Hamaika seme-alaba izan zituzten:
Xabin, Iñaki, Miren, Joxe, Hipolita, Goreti, Juan, Pi-



ETXABE SUKIA familia

Xabin, Iñaki, Miren, Joxe / Hipolita, Goreti, Prontxio (aita),
Joxepantoni (ama) / Joan, Pilar, Juanita (besoetan), Ixiar
eta Ramon.

lar, Juanita, Ixiar eta Ramon. Arantzazun ezkondu
eta etxean egin zuten otordua. Eta ezkontz bidaia
Burgos eta Mirandara egin zuten, han familiarte-
koak baitzituzten. Prontxio auzokoa zen, *Konporta*
baserritik etorria.

Hurrengo hazaldian Xabin, semea, Tomaxa Men-
diarekin ezkondu zen 1968an. Tomaxa Bidaniko
Iriondo baserrikoa da. Loiolan ezkondu eta Kiruri-n
izan zuten otordua. Ezkontz bidaian Etxegarartetik
Zaragozan barrena Bartzelonan izan ziren. Ezkon-
du zirenean ama eta osaba etxean bizi ziren eta
baita bi anaia-arreba ere. Bataz beste hogeita ha-
mar urte egin zituzten elkarrekin.

Alaba bat izan zuten: Harritsu.

Baserrian baziren lau ez bada bost behi eta Ordi-
ziako ferian saltzen zuten artoa, patata eta bara-
tzeko jeneroa. Etxerako dena baserritik ateratzen
zuten.



ETXABE MENDIA familia

Xabin Etxabe eta Tomaxa Mendia.